

# تورکيا برنجی ملت مجلسی

## مجلسی مضبوط

آلٹیشنجی اجتماع

مندرجات

قارص مبعوثلرینک مضبوطلرینک قبولی ،  
استقلال محکمہ لری ایچون تکلیف ایڈیلن تعلیمات مذاکرہ وردی ،  
مدافعت ملیہ انجمنده کی منحل اعضالت ایچون یاپیلان انتخاب .

برنجی جلسہ

رئیس : رئیس فانی عدنان بک افندی

کاتب : راغب بک (کوٹاہیہ)

۳ اگستوس ۳۳۷ چہارشنہ ساعت ۳،۳۰ صوکرہ

برنجی شعبہ مضبوطی

اشبو مضبوط برنجی شعبہ تدقیق ایڈلی . منتخب  
ٹائیلردن بمضیسینک مطلق اولہرق سرد ایڈکری  
شکایتک مادہ یہ استناد ایتہ مسی حسینیلہ تصریح مادہ  
ایڈلک وکنڈیلرینک بعدالاستیضاح یاپیلہ حق تحقیقات  
ورقہ سیلہ اعادہ اولتبق اوزرہ میرالای جاوید بک فخرالدین  
بک ٹاند ہر ایک مضبوط شعبہ جہ تعلیل ایڈلش اولغلہ  
کیفیتک بوصورتہ ہیئت عمومیہ یہ عرضی اکثریتلہ تقرر  
ایڈلشدر . ۳۰ تموز ۳۳۷

رئیس — اقدم جاسہ ہی آچوروم . ضبط سابق  
خلاصہ سی او قونہ جق . ( او قوندی ) ضبط سابق حقندہ  
مطالعہ وارمی ؟ ( خیر سسلی ) ضبط سابق قبول اولندی .  
اقدم اخراجات رسمنک الفاسی حقندہ کی قانون  
ایکٹیجی دفعہ رأیہ وضع اولنشدی . یوزالی طوقوزرای  
ایلہ قانون قبول اولنشدر .

اقدم قارص مبعوثلریندن جاوید وفخری بکارک  
مضبوط انتخابی لری برنجی شعبہ جہ حوالہ ایڈلش شعبہ جہ  
یو مضبوط مذاکرہ ایڈلشدر . مضبوطک شکلی ہیئت  
محترمہ یہ عرض ایڈہ حکم . مضبوطیہ امضایدن ارقداشلردن  
اون ذات مضبوطک مؤداسنہ مخالف اولہرق امضا وضع  
ایڈلشدر . حالبوکہ مضبوطی قبول ایڈنلریدی سکر  
کشیدر .

برنجی شعبہ رئیسی نامنہ	اعضا	اعضا	اعضا
مخالفم	ایچ ایل	قیرشہر	ارضروم
ادرنہ	محمد	صادق	اسماعیل
محمد شرف			



رئیس — افندم مضبطه او قونسده بونده هیچ بر شی یوقدر . مضبطه طوغریدر .

بر مبعوت بك — مضبطه می طوغری یوقسه عدم قبولی طوغریدر ؟

رئیس — او حالده مضبطه تکرار او قونسون .  
( مضبطه تکرار او قوندی ) ( بوتلر حقمده شکایت نه ایتمس سسلری ) ، ( رأیه قویبکز سسلری )

افندم مساعده بیوربکز سوز ایستین ارقداشالر وار سوز سویلنسنی موافق کورمیورسه کز سوز ویرمیه جکم ( کوریورز سسلری ) ( رأیه قویبکز سسلری ) افندم مذاکره بی قبول ایدنلر لطفاً ال قالدر . سونلر . ( قبول ایدلدی )

توفیق افندی ( کنغری ) — افندیلر هیمز انتخاب قانونی او قودق بر مبعوتك مضبطه سنی تعلیل ایتمک ایچون اون مسئله واردر . اون مسئله دن هیچ برینه اعتراض در میان ایدیلور . یالکز اصولی دائره سنده مضبطه یاپلامشدر دینور . بو بر مبعوتك مجلسده عدم قبولی قطعاً ایجاب ایتدیرمز . مضبطه اصولسز یاپلش ایسه رأیلر محفوظدر . امانتظیمده ، تحریرده اصوله رعایت ایدلامش اولسهده بو ، بر مبعوتك مبعوتلنگک ردینی ایجاب ایتمز . بناءً علیه مضبطه نك قبولی تکلیف ایدرم . ( دوغری سسلری ) ( شکایت او قونسون سسلری ) .

طونه لی حلمی بك ( بولی ) — ارقداشالر بو مجلسده موضوع بحث مناقشه اولان بر چوق قانونلرک ، قرارلرک مذاکراتی انسا سنده صوک زمانده قلباً روحاً صوک درجهده متأثر بولنیوردم . لکن الویه ثلاثیه متعلق موضوعلر ، مناقشه لراتنا سنده بوتون روحله بوتون قلبله متأثر اولمش نتیجه یه انتظار ایتشدم که : بو مذاکره نك بریسی تشکیلاته ، دیکری ده اعشاره متعلقدر . بو اوچنچی مذاکره در که بومبارک الویه ثلاثیه ایچون بوراده ایفا ایدلش اولیور . اللهمدن دیلرم که انشاء یقین زمانده بومبارک وطندن آیرلش اولان رلر مزده الزحاق ایتمش اوله جق واکسیک اولان مبعوتلرده بوراده بولنه جقلردر . ارقداشالر بك اوزاغه کیده جکم . حتی

اعضا	اعضا	اعضا	اعضا
بایزید	بولی	قره حصار	مخالقم
سلیمان سودی	عبده صبری	خلوصی	لازستان
			بابدین

اعضا	اعضا	اعضا	اعضا
غازی عینتاب	مخالقم	نیکده	مخالقم
یاسین	رفعت	مصطفی حلمی	
اعضا	اعضا	انتخاب مضبطه سنک قبولی	

سینوب قره حصار شرقی	طرفداری یم	وان : حسن	
حقی حامی	مخالقم		
	مدوح		

مبعوتلنگک قبولی طرفداری یم	اعضا	اعضا	
سیواس	حسین حسینی	مخالقم	
محمد راسم	قره سی		

قبولی طرفداری یم	اعضا	اعضا	
وان	قبولی طرفداری یم	مخالقم	
توفیق	شمس الدین	چوروم	
		فرید	

شرف بك ( ادرنه ) — افندم معلوم احسانکنز انتخاب مبعوتان قانونی موجبجه منتخب ثانیلردن واقع اوله جق شکایتک موادینی مجلس عالیکنز تقدیر ایدر . انتخاب واقمده ، طقسان منتخب ثانی ظن ایدرم بوذاتارای ویرمشلردر . یالکز بر قضا منتخب ثانیلردن یدی کیشی هیچ بر ماده تصریح ایتیه رک دیورلر که انتخاب واقع مغایر قانون اوله رق یایلمشدر . نه یایلمشدر ؟ نه ایچون یایلمشدر ؟ بو غیر معیندر . ارقداشالرک بعضیلری تحقیقات اجر اسنه لزوم واردر دیدیلر . حالوکه بعض ارقداشالر بوکا محل یوقدر چونکه انتخاب مبعوتان قانونی موجبجه یایلان انتخاب مضبطه سنده تعلیل ایدیه جک بر نقطه کوروله مشدر . وقسمماً بوماهیتده در دیدیلر . بونک ایچون بونک تقدیری طوغریدن طوغری به مجلس عالیکنزه عائددر . بناءً علیه مجلس عالیکنزه عرض ایتدک ( مضبطه تکرار او قونسون سسلری )



بونك ایچون انتخاب انترقیه لری اوله ق بلدك برفانده ویرر .  
 انتخاب بوزولور دییه بورایه بر تلغراف چكشلسر .  
 فقط ویردك لری تلغرافلردن طولانی اولرده پشیمان  
 اولمشلردر . اساساً بر شی دكلدر . بورادکی علی رضا  
 بك قارص شوراسنده داخلیه وکیلی ایدی . فخرالدین بك  
 خارجیه وکیلی ایدی . علی رضا بکی انکلینرلر نوری پاشا  
 حقنده شهادت ایچون باطومه کتیرمشلردی . اورادن فرار  
 ایتدی و بو زمانه قدر حال فرارده ایدی . صوکره فرقه  
 قوماندانی جارید بکه کلنجه اوراده بیوک بر خدمتی  
 واردی . قطعياً بو انتخابده باشقه بر شی یوقدر . بو  
 مضبوطی رجا ایده رم بلا تردد قبول ایدیکز .

ریاست جلیله

شبه مضبوطه سنك ردبله ، موضوع بحث اولان ارقداشلرك  
 قبولنك رأیه وضعی تکلیف ایده رم .

استانبول مبعوثی

نشات

رئیس -- بوتقریری قبول ایدنلر ال قالدیرسون .  
 ( اکثریتله قبول ایدلمشدر ) .

جاویدك ( قارص ) -- اقدم قارص لواسی اهالیسی  
 دیگر الویه ثلاثه اهالیسی ایله برابر طقسان اوچ سنه سنده  
 اسکیندن بری تحت حاکمیتده یاشادیغی حکومت عثمانیه نك  
 المدن خیرآ آلدیغی زمان کوز یاشلری دوکش و متاثر  
 اولمشدی . بو تأثرلرینی آرادن بر آز زمان کچدکنصکره  
 روس حکومتی کندیلرینه قارشی حلم وشفقتله بر اداره  
 تأمین ایتدیکنندن دولایی بر آز توین ایتدیلر . فقط  
 دیناً ، عرفاً مربوط اولدقلری حکومت عثمانیه قارشی  
 او حس صداقتلرینی هیچ اونتمادیلر . آرادن زمانلر کچدی  
 رو لرك ، بونجه مساعیسنه رغماً حس ملیرینی آزاله حق  
 یرده چوغالتدیلر . ۳۳۰ سنه سنده جهان حربی باشلادیغی  
 زمان عثمانلی قطعانی الویه ثلاثیه کیردی . قسماً ارضهاته  
 قدر یورددی . نهایت بر طرفدن صاری قامیسه قدر  
 کیردی . بر حقوق ضایعات ویردی . و او وقت  
 اورایه کسین عثمانلی قطعانی لرینی آچه برق  
 قارشیلایان ، و ساسا ، اهالی ، مجاهدین اسلامیه عثمانلی

انلهمدن دینرم که یارین بوراده برطونه اولادی برطونه  
 مبعوثی اوله ق بولونسون .

آرقداشلر! بو اوقدر مبارک بر مسئلهدرکه قطعاً  
 مذاکره و مناقشهیه دکنر . بیایم نهدن بوراده بویله  
 بر مسئله آچیلیور . آرقداشلر! ووشونکزه قارشو کزنده  
 یولان آرقداشکنز ایچون حال بویله در ، شویله در دییه رك  
 وماده تصریح ایتمهدن بوکا اهمیت ویريله رك مذاکره ایدیلریمی؟  
 ( خایر سسلری ) بناء علیه مذاکره بی زانددور یورم .  
 متفقاً قبول ایدم ( قبول صدری ) ( اویله شی یوق سسلری )  
 رئیس -- حلمی بك مذاکره نك کفایتی شفاهاً  
 تکلیف ایدیور ( خایر دوام سسلری )

یاسین بك ( غازی عینتاب ) -- بز رجا ایدیوزکه  
 شکایتنامه او قونسون .

رئیس -- شکایتنامه بی کتیر بیتوروز او قوده جغز اقدم :  
 آنقره ده بوبوك ملت مجلسی ریاست جایله سنه

صاری قامشده ، اجرا قلنان مبعوث انتخابنك اصول  
 وقانونه کلیاً مغایر اولدیغی کورولمش اولدیغندن انتخاباتك  
 تکرار اجرایی ایله حقوق ملتک ضیاعدن وقایه سی ایچون  
 ایجاب ایدناره امر واراده بیورلمسینی عرض واسترحام  
 ایلرز اقدم .

بودخی	بودخی	منتخب ثانی
اسماعیل موسی	یونس	بکر
بودخی	بودخی	بودخی
علی	محمد	حسنی

بصری بك ( قره می ) -- هر انتخابده بویله شی اولور .  
 مادام که ماده تصریح ایدیور . بناء علیه انتخاب مضبوطه سنك  
 قبولی لازمدر .

رضا افندی ( باطوم ) -- آرقداشلر بو مسئله بی غایت  
 یقیندن تعقیب ایدیوروز . طبیعی الویه ثلاثدن کله جك اولان  
 آرقداشلرك غیر قانونی بر صورتده انتخاب ایدیلوب کلمنی  
 زده آرزو ایتمیز . بناء علیه بونی یقیندن تعقیب ایتدك .  
 تلغراف ویرنلر صاری قامشدن بدی کیشی در . بر کوی  
 منتخب ثانیلریدر که موسی نامنده بر آرقداشلرینی انتخاب  
 ایتدیرمک ایچون چوق اوغراشمشدر . موافق اوله ماشلردر



عسکرینک کیری چکلمسی اوزرینه روس مظالمی آئنده  
 ازبیدی . آغلادی ، یورکاری قنادی آرادن بر آاز زمان  
 کچدی . طیبی ایکی سنه شرق جههسی روس قوتی قارشو-  
 سنده شرق قطعانک کوستردیکی قهرماناق ، جلادت  
 هر نه دیرسک دیلم . اولری کیری چکرک طوروردی .  
 نهایت الحمداه روس انقلابی باشلادی . و شرق قطعانی  
 ایترله مکه باشلادی . قانلی صفحات کچیره رک الویه ثلاثی  
 اشغال ایتدی . نهایت طالع حرب موافق دوشمده .  
 ینه الویه ثلاثه انگلیز انتریفه سی اوله رق ارمنی ظالمترینک  
 الیه کچدی . اوئدن سوکره الویه ثلاثه نیک کشفیه صفه سی  
 کچدی . اوزمانلر الویه ثلاثه اوقدر جنایات ، اوقدر  
 شاعت پالمشدر که صفحاتی کوزدن کچیره سک آغلایمان  
 کوز قالماز . بوصفحاتدن سوکره مملکت بو قدر ضعیف  
 ایکن ینه مملکت مزده تشکل ایدن محترم بیوک ملت مجامعی حکومتی  
 شرق جههسی قطعانی ایله بو ارمنی مظالمی آئنده آزیلش ،  
 یوق اولوق درجه سنه ککش اولان اراضی استرداد  
 ایتدی . او زوالی ملتی قورتاردی . بئنه علیه قارص  
 لواسی اهالیسی بو یوک ملت مجلسنه و بو یوک ملت مجلسنی  
 تشکیل ایدن بیوک ماته و شرق جههسی قطعاننه الی الابد  
 مدیون شکراندر .

فخرالدین بک ( قارص ) — بنده کز وطنک بر  
 پارچه سی اولان قارصک اولاندن فخرالدین ( تشرف  
 ایتدک سسلری ) ۴۳ سنه دئیری آنا وطندن آریلان  
 الویه ثلاثه وقارص بو کون عین لوا آئنه - کیره رک بیوک  
 ملت مجلسنه اولادینی انتخاب و کوندردیکندن دولایی  
 افتخار ایدیور . ماتنتک حرمتلرینی و حارسلاملرینی بیوک  
 ملت مجامسه عرض ایدیور . ( تشکر ایده رز سسلری )  
 بونکله برابر بو حربک الک اغیر یوکاری بوم بو نیمزه  
 دوشدی . شرقده کی اولان محاربه لردن کندی باتیمز  
 اوزرنده یدی دفعه حرب اوئمشدر . لوا من خلقی چولوق  
 چوجوق از حربک ایچریسنده نهایتنه قدر بولتمشدر .  
 یوز بیوک قدر قربان ویرمشدر . بو خصوصده قائلر من دایما  
 تورکیابه دوغری آقپور . صاری قامشک برنجی تعرضده  
 یگر می بش بیوک چولوق چوجوق معصوم قادیلر منی

کسدکاری وقتده اسلام شهیدلرینی طوپلایورلردی . بعضاً  
 اهالی ده کندی شهیدلرینی آلتی ایچون مراجعت ایدیورلردی .  
 روسلر تحقیر ایدیورلردی . سزک آرزو ایتدیک کز  
 تورکلرک جنازه لرینی سزک جنازه لر یکزله برابر قویه جغز  
 دیورلردی . بو صورتله شهیدلر منی بزه ویرمدیلر .  
 شهید عسکرلری طوپلایوب بر آرایه دولدریدیلر حالبوکه  
 اولر بزی تحقیر ایتک اوزره یایدیلر . اوده کی آنار کوز  
 یاشلرینی سیلیدیکی زمان شکر ایدیورلردی الحمداه تورکلر  
 بورایه کلوب قالدیسه ایکیسی بردن شهیدلرله برابر طوپراغک  
 آتته کیردی . بر کون بونلر کله جک ینه بزی قورناراجق  
 دییه افتخار ایدیورلردی . بونکله برابر ارمنیلرک  
 تزویر ایتله صاری قامش تعرضده شرق جهه سندن هر  
 زردن تعرض ایتسه الویه ثلاثه خاکی سلاحه صاریلوب  
 روس اردولرینی آرقادن تهید ایدوب کندی هم جتسی  
 اولان تورکلر ماتحقاق ایدیورلر نيقولانک بونک حقتده بر  
 تلغرافی واردر . یازیور که قارص وارده ان خلقندن بو عنصرده  
 نه قدر آدام وارسه قتل اولنه جق دییه . بو خبری  
 با کو اهالیسی طویدینی وقتده یوسف بک طوپچی باشوف ،  
 علی مردان بک تلغرافی آلتجه والی عمومینک یاننه  
 کیور . و اورادن بر تذکره آلوب چار نيقولانک یاننه  
 کیدیورلر . بوراده یدی بچق میلون مسلمان وار .  
 سن بردولتسک عسکرلرک عسکرکله حرب ایدیورلر .  
 اهالینک بونده نه قباحی واردر . خطا کزک اوکنی  
 آله جتسکیز دیورلر و چار کندی عموجه سنک اوغانی  
 کوندره رک بو تلغرافی کیری آدیوردی . و یگر می بش بیوک  
 فلاکتزده اولان بو اهالی یه اعانه ویره رک اسلاملرک  
 کولانی آدی . آما بزم روسلره عداوتمز کیتدکجه آرتدی .  
 تورکلره قارشی حسیاتمز صداقتمز یاقیدر . بزهر کون بو بولمری  
 کوزله بورددق . بوفلاکتلرک صوکی اوله رق حربک ۴۳ بچمی  
 سنه سی که متارک یه یقین اردولر من کلدیکی وقتده ارمنیلرک  
 مقابله وسیله سیله یایدقاری فلاکتنه معروض قاله رق  
 شمندوفر کذرکاهنده کی یوز یگر می پاره قریه من  
 مع التأسف تخریب ایدلدی . سکز طقوز یوزقادی ن ارکک  
 صمانلرک ایچریسنه طولدریلر بق یاقیلدی . بز کناه کار



اسامی اوقوندى) آرابی تصنیفہ حمدی بك ( ایزمیت ) ، قلینج علی بك (غازی عینتاب) ، طابدين بك (لازستان) ، مأمور ایدلدى . اون دقیقه تنفس

اخراجات قانونك لغوینی قبولیدن اعضای کرام مصطفی تقی افندی سیواس ، عبده افندی بولی ، ثابت بك قیصری ، محمد نادر بك اسپارطه ، عاکف بك استانبول ، بکر صدقی بك سیوهرك ، احمد بك یوزغاد ، سری بك ارغنی ، محمد شکرى بك قره حصار صاحب ، ابراهیم افندی ماردين ، حسنی بك بتلیس ، راغب بك غازى عینتاب ، دوقور فواد بك بولی ، نجم الدین بك سعرد ، بسیم بك قسطنونی ، مصطفی بك قوزان ، فواد بك چوروم ، محمد راغب بك آماسیه ، نجاتی بك بروسه ، قدری بك سعرد ، عبدالرحمن لامع بك غازى عینتاب ، مصطفی کمال بك ارطغرل ، محسن بك آیدین ، شکرى افندی بولی ، رضوا مق بك سینوب ، حلیل ابراهیم بك انطالیه ، یوسف بك دکزلی ، هاجم محی الدین بك قره سی ، مختار فکری بك مرسین ، علی شکرى بك طریزون ، علی واصف بك کنج ، حافظ شاهین افندی غازى عینتاب ، عارف بك بتلیس ، محی الدین بك قارص ، قلینج علی بك غازى عینتاب ، لطفی بك ملاطیه ، محمد وصفی بك قره حصار شرقی ، دوقور سعاد بك قسطنونی ، رفعت بك توقاد ، شریف بك سینوب ، اسماعیل بك ارضروم ، فواد بك ادرنه ، محمدوخ بك قره حصار شرقی ، رشاد بك صاروخان ، امین افندی جانیک ، عمر نماز بك آقره ، حسین حسنی بك استانبول ، هاشم بك چوروم ، ادیب افندی باطوم ، دوقور حاصم بك آماسیه ، مصطفی بك انطالیه ، نبیل افندی قره حصار صاحب ، آرسلان بك مرعش ، توفیق بك وان ، حمدی بك ارطغرل ، راغب بك کوتاهیه ، سری بك سیوهرك ، خلیل خلقی بك سعرد ، عبده افندی ایزمیت ، راسم بك العزیز ، نجیب بك ماردين ، رفعت بك قیصری ، دوقور فکرت بك قوزان ، بهجت بك کنگری ، علی وفا بك انطالیه ، حاجی نوری افندی سعرد ، محمد عاکف بك بوردور ، رأفت افندی مرعش ، صالح افندی سعرد ، امیر پاشا سیواس ،

دکتر یالکز تورك و تورك عنصرینی سودیکمزدن بزه بو ظلمار یاپیلوردی . الحمداه مراد مزه ایردک ( الحمداه سسلری ) قانلر من هدر ایدلمدی . آنا وطنه التحاق ایتدیکندن و کندیمز عینی لوا آلتنه کیردی کمزدن دولایی افتخار ایدیوروز . ملتکده سلاملرینی تبلیغ ایتدم . بوندن سوکره الویه ثلاثه نك برطاقم اصلاح ایدیله جک مسئله لری وارکه اونیده انشاه بیوک ملت مجلسنه عرض ایده جکم . الی الابد برلکده یاشایه جغز و بر آرده چالیشه جغز . ( آلتیشیر )

رئیس — مدافعه ملیه انجمنك درت اعضای اکسیکدر . بونی هیئت علیه کذا کمال ایده جکدی هیئتجه انتخابته قرار ویرمشدیکز شمعدی او انتخابی یایلم . اکثریت اضافیه ایله اولسنه قرار ویرمشدک . عین زمانده بو انتخاب یوقلمه یرینهده قائم اوله جقدر .

حمدی بك ( آماسیه ) — نامزدیوقیدر ؟  
نبیل افندی ( قره حصار صاحب ) — مدافعه ملیه انجمننده موجود اولان آرقداشلرک اسملری اوقونسون که تکرار انتخاب ایتیم .

رئیس — اقدم بردقمه مدافعه ملیه انجمنی اعضایسك اسملرینی اوقویهیم یوسف عزت پاشا جبهده اولدینی ایچون اکسیک ، صلاح الدین بك ( مرسین ) بوراده ، اسماعیل بك ( ارضروم ) مأموراً بریرمی کتدیلم ( خایر بوراده سسلری ) کیده جکلر ، خلوصی بك ( قره حصار صاحب ) بوراده در . راسم بك ( جبل برکت ) بوراده در . عبدالغنی انندی ( سیوهرك ) بوراده در . ( یوق مآذ ندر سسلری ) علی حیدر بك ( کنج ) موجود ، عونى بك ( صاروخان ) یوقدر . شکرى بك ( طریزون ) بوراده در . خسرو بك ( طریزون ) بوراده در . احسان بك ( جبل برکت ) بوراده در . حمدی بك ( بوردوز ) بوراده کاظم بك ( قره سی ) یوقدر رجاتی بك ( طریزون ) یوقدر . یوسف ضیا بك مرسین بوراده در . دیمک آلتی ذات انتخاب اولنه جتق اقدم . انتخاباته باشلایم ؟ ایسترسه کنز مدافعه ملیه انجمننده بولان آرقداشلرک اسملرینی برداها اوقویهیم . ( اوقونسون سسلری ) ( تکرار اوقوندى ) ( استحصال رأی ایچون



ضیا بك سیواس ، شاکر بك آقره ، ولی بك بوردور ،  
یوسف ضیابك مرسین ، مصطفی بك درسم ، ادهم فهمی  
بك منتشا ، صادق افندی قبر شهر ، خلوصی افندی  
قسطنونی ، نافذ بك جانبك ، سعید افندی كنگری ،  
شیخ حاجی فوزی افندی ارزنجان ، عبده افندی سینوب ،  
علی سروری افندی قره حصار ، عاطف بك بایزید ،  
رشدی بك مرعش ، عاطف افندی آقره ، دوكتور  
اشرف بك آتنه ، شوكت بك سینوب ، دوكتور علی حیدر  
بك كنج ، اسماعیل رمزی بك اسپارطه ، ناجی بك  
العزيز ، صدق بك ملاطیه ، مصطفی حلمی افندی نیکده ، بحری  
بك یوزغاد ، ضمیر بك آتنه ، علی علوی بك بوردور ،  
عبدالحایم چلبی افندی قونیه ، صالح افندی ارضروم ،  
نجاتی بك ارضروم ، طاهر افندی كنگری ، ابراهیم ثریا  
بك صاروخان ، جاوید بك قارص ، ابراهیم افندی قره سی ،  
درویش افندی ماردین ، خلیل ابراهیم افندی ایزمیت ،  
مصطفی وصفی بك توقاد ، رشید آغا ملاطیه ، فوزی افندی  
باطوم ، مدحت بك ماردین ، حسین افندی ارزنجان ، نجیب بك  
ارطغرل ، حسن بك طر بزون ، رد و مستكف یوقدره

بسم آنالای بك كوتاهیه ، هارف بك قونیه ، حتی حامی  
بك سینوب ، حسین حسنی افندی اسپارطه ، عزت بك  
توقاد ، اسمد افندی ماردین ، محی الدین بك العزیز ، امین بك  
جانبك ، حلمی بك اردهان ، مصطفی نجاتی بك صاروخان ،  
حلمی بك بولی ، خلیل ابراهیم افندی ارطغرل ، محمد  
بك بیغا ، یونس نادى بك از میر ، حاجی سلیمان افندی  
از میر ، مصطفی فهمی افندی بروسه ، احسان بك جبل  
بركت ، راسم بك سیواس ، جلال بك كنج ، ضیا بك  
كنگری ، سعده افندی بتلیس ، حسین عونى بك قوزان ،  
خلوصی بك قره حصار صاحب ، عمر لطفی بك صاروخان ،  
شكری بك جانبك ، شرف بك ادرنه ، دوكتور عدنان  
بك استانبول ، نشئت بك كنگری ، حمدی بك توقاد ،  
حمدی بك آماسیه ، حمدی افندی دیاربكر ، علی واصف  
بك كنج ، سلیمان سرى بك یوزغاد ، جلال بك صاروخان ،  
حتى بك وان ، شمسى الدین افندی آقره ، حمدی بك كنج ، عابدین  
بك لازستان ، حسن تحسین بك آتالیه ، علی رضا افندی آماسیه ،  
نشئت بك استانبول ، پوزان بك اورفه ، سامی بك ایچ ایبل ،  
حاجی فیضی بك العزیز ، حاجی خیالی افندی اورفه ،





### آلمشجی اجتماع - ایکنجی جلسہ

رئیس - رئیس ثانی عدنان بك افندی

کاتب : راغب بك (کوتاهیه)

۳ - آگستوس ۲۷ - چهارشنبه ساعت ۵،۳۰ صوکره

رئیس - جلسہ بی آچوروم. افندم استقلال محکمہ لرینک معاملاتنک توحید و مقامات ایله مناسبترینی تثیت ایچون بر تعلیماتنامہ لایحسی مجلسہ تکلیف ایدیلیور. مساعده بیورورسه کنز بر دفعه بونی اوقوبه لم هیئت عمومیہ بی صوکره مذاکره ایده وز.

استقلال محکمہ لرینک معاملاتنی توحید و مقامات ایله مناسبترینی توثیق ایچون بروجه اتی تعلیماتک بر قرار آلتنه آلمشقی عرض و تکلیف ایده وز.

۲۱ مارت ۳۷

### استقلال محکمہ لری حقیقہ تعلیماتنامہ

۱ - هر استقلال محکمہ سی ، منطقہ سی داخاندہ کی قضا ونواحی وقرایی دور ایده رک ممکن اوله بیلدیکی قدر محاکمہ لری محل جرمده رؤیت وانتاج ایلیه جکدر.

۲ - محکمہ نك بر محله اقلقی اعظمی بر آیدن فضنه اولیه جقدر . آتجق اسباب مجبره تحدیثده تمدید اقامت ضرورتی حاصل اولورسه بوضرورت مجلس ریاستنه بیلدیریله جکدر .

۳ - استقلال محکمہ لری هر آی ختامیده کوردیکی ایشلرک مفرداتی ناطق برجدولی مجلسه کوندره جکلردر .

۴ - استقلال محکمہ لری اعضالریله کتبه سنه اداره مرکزیه به مربوط مفتشلر مثالو خرچراه و بومیه ویریله جکدر .

۵ - هر هانکی بر مأمور ویا ضابطک رأساً تحت محاکمه به آلمشنه لزوم کورولورسه بوظنون منسوب اولدینی دائره آمرندن طلب واون کونه قدر جواب آله مدقلری تقدیرده بعدالتوقیف کیفیتدن دائره سی اخباردار ایدیله جکدر .

۶ - وکالت مقام لرندن بریسی ایله استقلال محکمہ لری

آرسنده تحدت ایده جک اختلافات مجلسه اون کون طرفنده حل اولور .

۷ - رؤسای مأمورین ملکیه وعدلیه دن بریسنک تحت توقیفه آلمشی ایجاب ایتدیکندن کیفیت توقیفی اول باول مجلس ریاستنه بیلدیریله جک ورینه برهفته طرفنده وکیل ویا اصیل تعینندن صکره امر توقیف اجرا اوله جقدر .

۸ - استقلال محکمہ لری محکرم ایتدکلرینی دیهدکلری سخانه یه نقل ایتدیره بیایرلر .

۹ - استقلال محکمہ لری زدنده اوتوز کشیلک سواری مفرزه سی بولنه جقدر . محکمہ نك کوستره چکی لزوم اوزرینه بو مفرزه مقدارینک سواری ویا پیاده اوله رق تزییدی ارکان حربیه عمومیه ریاستیله قرار ایشدیریله جقدر .

۱۰ - هر استقلال محکمہ سی مسوده ، اساس ، قرار ، قید و ذمت دفترلرینی طومغه مجبوردر .

۱۱ - مختلف استقلال محکمہ لری آرسنده وظیفه دن متولد اولق اوزره تحدت ایده جک بالجه اختلافات مقام ریاست طرفندن حل اولور . رئیس - افندم بعض اعضالر سوز ایسته دیلر . پابه جغمز مذاکره بوتعلیماتنامه نك هیئت عمومیه سنه دائرئی ، ماده لره دائرئی ؟ ( هیئت عمومیه سی حقیقده صدالری ) ، ( ماده لره دائر صدالری ) احوالده مساعده بیورورسه کنز برنجی ماده بی اوقوبه لم .

راغب بك ( آماسیه ) - اصول مذاکره حقیقده بحث ایده جکم . بورنظامنامه ، تعلیماتنامه ، قانوندر . بو بویله بردفعه اوقومقله احاطه ایدیلمز بونك ماده لرینک تدقیق ایچون اول امرده بونی برانجمنه حواله ایده لم . مستعجلاً مناقشه وتدقیق ایتسون.اوندن صوکره مذاکره ایلسون بونی طلب ایدیوروم .

عدلیه رکیلی رفیق شوکت بك - افندم معلوم عالیلری استقلال محکمہ لری بوندن اول ۷-۸ منطقده وظیفه به باشلا . مشلردی لارنده وظیفه لرینک صورت اجراسنه ومعاملات عدایه وعسکریه و ملکیه ده مناسبترینی زمین ایدنک اوافق تعلیماتنامه اولدینی ایچون هر استقلال محکمہ سی کندی



قاعتي دائره سنده حرکت ایتدی. (چوقایی یابدی صدالری) صوکره بعض منطقه لره نظر دقتی جلب ایدن حاللر تحدرت ایتدی، حالبوکه بوتکیفانده تدقیق بیوریله جق اولورسه کوریلورکه - بنده کزک آکلادیغمه گوره - نه استقلال محکمه لرینک حائر اولدینی صلاحیت جزائییه تقیید ایتمک واردر. ونده مطلقاً بونلرک شوچر چیوه ایجریسنده حرکت ایده جکلیسه دائر برشی واردر. مثلاً بز قسطمونی استقلال محکمه سنده ایدک. بز بر محله او طور مغه اجبار ایده جک بر قید یوق ایکن قسطمونیده درت آی قالدق قالملی بز. بش لواضر واردی، اولرده سینوب، زوقولداق، بولی، کنگری در. آنجق کنگری وقسطمونی بی کزه بیلدک بوراده آقره استقلال محکمه سی واردر. ایشک چوق اولمندن طولانی طیشاری به چیقاماشدر کذا قونیه استقلال محکمه سی بریره چیقاماشدر. صوکره دینلیورکه دیگر محکمه لر کز مشلر در. شمدی بوتعلیاتنامه نک بر ماده سی وار. دیورکه هر استقلال محکمه سی بریره بر آیدن فضله او طور میه جقدر. شاید او طور مق ضرورتی حاصل اولورسه او ضرورتی مطلقاً مجلسک ریسنه خبریره جکدر. شمدی بو صورتله هر استقلال محکمه سی مملکت کز مک مجبوریتده بولنه جق، صکره محکمه انفاز جز ایتمک صورتیله ده مؤثر اوله جقدر. شمدی بنده کزجه افندم بوتعلیاتنامه ماهیتده اولدینی ایچون استقلال محکمه سنک (تعلیاتنامه مجلسدن کچمز صدالری، کورواتیلر)

رئیس - رجا ایدرم قونوشمایم، دیکلیه لم.

رفیق شوکت بک (دوامله) - معلوم عالیکنز بر استقلال محکمه سی مجلسک ایچندن مجلسی تمیل ایتمک اوزره تفریق ایدلمش بر هیئتدر. بو هیئتک آمری رؤسأ مجلسک رئیس ده دکلدر. آنجق مجلسدر. بناء علیه استقلال محکمه لرلی خط حرکتلری آنجق مجلسه بیلدر میلدر و کوندر میلدر نه ایچون خلوصی بک بوکلاضی اولیور. افندم رجا ایدرم بو، مجلسک کندی خط حرکتی حقدنه داخلی بر قراردر. مجلسک کندی آرقداشلردن بعضلرینه تمیل ایدین بر قراردر. بونی مطلقاً قان اوله رق کوستر مکه لزوم یوقدر. بناء تلیه

بنده کز دیورم که هیئت عمومییه سی حقدنه کوروشمایم ماده لره کچلم. ماده لرلی موافق کورورسه کز قبول ایدم ماده لرلی قبول ایتمزسه ک اوقت نه ارله جقدر؟ افندم بائیکز بر ماده سنده دیورکه هر اون بش کوندر بر جدول کوندر یله جکدر آرقداشلر؟ ایلك دفعه کلدیکم زمان عرض ایتمشدم. قسطمونیده بیایلان شیلردن هیچ خبریکز وارمی؟ رقم اوزرینه بز کوندر دک، بنده کز هر آی کوندر دم لکن بو کوندر یان جدوللر بوراده اوقوناماشدر مجبوریت کوسترسه ک اوقونه جق بو واسطه ایله آرقداشلر مزک حرکاتی و اجرآتی حقدنه منتظماً معلومات آله جقز ظن ایدرم. اونک ایچون بنده کز دیورم که هیئت عمومییه سی حقدنه مذاکره ایتمه ییم و بویله جانیک، قسطمونی، قونیه کبی واسع منطقه لره مختلف محله لره کوندر یان آرقداشلرک ممکن اوله بیلدیکی قدر وحدتی تأمین ایتمک ایچون بر تعلیاتنامه یاپم. بونی بنده کز موافق کور دیورم ماده لره کچلم.

مصطفی بک (توقاد) - رفیق شوکت بک استقلال محکمه سنه تأثیر یایمق قطعاً جائز دکلدر دگلی؟ کچن سفر تأثیر یاسیلوردی. بعض حکام وظیفه لرینی یاپه مادیلر فرض ایدم. بن مداخله ایتدم شو مداخله ایتدی اوندن طولانی استقلال اعضالری وظیفه سنی یاپه مدی. ایکنجیسی؛ اولورکه بر استقلال محکمه سنده اویقونسز حکم ویردیلر. بوندن طولانی هیئت محترمه دوضریدن طوعری به اوکیلرک جزالری کندیلری ویره جکدر.

درقنور مظهر بک (آیدین) - مذاکره ایتمک ایستدیکمز شی بر تقریر ماهیتده میدر. یوقسه بر تعلیاتنامه میدر یوقسه بر تکلیف قانونی میدر؟ اگر تکلیف قانونی ایسه هر هانجی مسؤل اولان بر مقامدن کوندرلمی لازمکیر. بونی امضا ایدن کیمدر؟ ومسؤل اولان بر مقامیدر؟ اگر تعلیاتنامه ایسه مجلسده بوشکلده، بر قانون شکندنه تعلیاتنامه قبولی دوضریمیدر؟ اگر دوضریدن دوضری به بر تقریر ماهیتده ایسه کیم امضا ایتمشدر. افندم بونی اطلاق ایستیورم.

رفیق شوکت بک (صاروخان) - شمدی بکم دیمندن



بوصورتده برشی یایارلر، دوشونه بیلیرلر . استقلال محاکمه  
بولنیمان برذات طرفدن بورایه تعلیماتنامه لایحه سی کوند  
ریلشی بلکه یا کلاش حرکتی موجب اوله بیلیر . بو طرزده  
بوضعیته ظن ایدرم که استقلال محکمه سی اعضای ده  
راضی دکلدلر .

اگر رفیق شوکت بی افندی استقلال محکمه سی  
اعضای اولسه لردی بوراده بوتعلیماتنامه لری مدافعه ایتمز،  
بالعکس کندی حقلرینه قارشی بر تجاوز ماهیتده برشی  
تکلیف ایدلدیکی ایچون باغیر لر ایدی . بونک ایچون تعلیمات لازم  
دکلدلر . اگر غیر رسمی طرزده وحدتی تأمیناً بعض موادی تثبیت  
ایتمک لازم کیلورسه بونلری استقلال محکمه سی اعضای  
کندی آرالرنده یایا بیلیرلر . نظام داخلی بی ، تعاملی  
و هر شیشی بویله بر تعلیماتنامه ایله آیا قلا آلتنه آلمایلم .  
محکمه اعضای کندی لری طوبلانسونلر کندی لری تثبیت  
ایتسونلر . ( مذاکره کافی صدالری )

طونلی حلمی بک ( بولی ) — حسب حال ایدرکن  
آرقداشلر مزدن بریسی بر ماده به دو قوندیلر اوامده بک  
طینه بنده راضی م . هیئت عمومی میاننده فلان فلان  
ماده اعضائک استقلالنی تقید ایدر دیلمکه بوتعلیماتنامه بک  
ردی قطعاً جائز اوله ماز . بواداری تعلیماتنامه در بونک  
قطعاً لزومی واردر . دیگر بر آرقداشمزده بیلر لنده حل  
ایدیلر دیبور . بن موافقت ایدرم . سزمو افقت ایتمز سکن  
هر حالده مبادلده دن مناقشه دن صو کره متفق قالیرز .  
دیگر بر تکلیفده بولنه جف بونی هانکی محکمه محاکمه ایده بک؟  
بونلر حقوق اساسیه اداریه دندر . بناء علیه وقتمز بک  
طاردر . آرقداشلر من حالا بوراده بولنیورلر . بر آن  
اول ماده لره کچلم ماده لرده مضر کوره جکمز فائده سز  
کوره جکمز شیلری طی ایده رز . ( نظیر ماده لره لزوم بوق صدالری )  
یاسین بک ( غازی عینتاب ) — آرقداشلر مزک بویله  
بر تعلیماتنامه به احتیاج لری اولوب اولدقلرینی بر دفعه  
آکلا یلم .

رئیس — سوز آلا نلر صیره سیله سوز سو یلیه جکلر .  
نجاتی بک ( صاروخان ) — افندم استقلال محکمه سی  
اعضای نوعما بروکالتدر . مجلس عالی نک اکثریتله انتخاب

عرض ایتدمه مجلسک ایچر وسند مجلس نامه اجرای حکمه  
صلاحیتدار اولوق اوزره تفریق ایدیله بک آرقداشلرک  
مجلسه قارشی حساب ویرملرینی تأمیناً مجلسک معاملاتنی  
تنظیم ایله مکلف مقام ریاست برشی تکلیف ایدرسه  
تعلیماتنامه اسمنی ویررسه؛ ایسترسه کز سز بو کافر نامه دییکز  
[ تعقیب ایده بک کیمدر صدالری ]

رفیق شوکت بک — تعقیب ایده بک مجلسک شخصیت  
مغویه سیدر . یعنی یومسئله ده بنده کز برشی کور میورم  
یا کز مقام ریاست تنظیم معاملات ایچون بر قاچ ماده  
تکلیف ایدیور .

سایمان سرتی بک ( یوزغاد ) — ماده لره کچلم، قرار نامه  
اوله رق چیقار .

حق حامی بک ( سینوب ) — رفیق شوکت بک بونی  
نه صو : تله ونه حقله مدافعه ایدیور اونی آکلا یلم  
رفیق شوکت بک ( صاروخان ) — صاروخان مبعوثی  
رفیق شوکت صفیله ،

محمدشکری بک ( قره حصار ) — عدلیه وکیل نامنه می  
سویله یورسکنز یوقسه شخصکز نامنه می ؟  
رفیق شوکت بک — شخصم نامه سویلیورم .

حق حامی بک — مجلسک شخصیت مغویه سی  
موضوع بحث اولورکن مبعوثلرک یکدیگرینه سؤال توجیه  
ایتمکه حق یوقه .

بصری بک ( قره سی ) — افندم استقلال محاکمه  
انتخاب ایتدیکنز اعضائت جلیله یی تمیل ایدن وکیللر در .  
رفیق شوکت بک افندینک بیوردقلری وجهله بونلرک  
رهبر حرکاتی قناعت وجدانیه لریدر . استقلال محکمه لری  
اعضالرینه تودیع ایتدیکنز واسع صلاحیت بر قاچ ماده ایله  
تثبیت ایدیلر ظن ایدرم . لرنده بولسان قانون تعقیب  
ایتدلرکی خطوط اساسیه یی کوستردیکی ایچون آریجه  
کندی لری تعقیب ایدر ماهیتده تعلیماتنامه یا بمق موافق  
دکلدلر . ( بک دوغری صدالری ) اگر افندی لرنظامنامه  
داخلی به مخالف بر طرزده بویله تعلیماتنامه یا بمق لازم ایسه  
هر حالده بونی ظن ایدرمکه استقلال محکمه سی اعضای  
بیرله شرک آرالرنده، معاملاتده وحدت حصولی ایچون



ایدیلن اعضا لری بو وظیفه بی در عهده ایتمش لر در . وکالت  
 قعیید قبول ایتمز . بناء علیه وکیل ایتمدیگم ز مان سز  
 بزم وکیل م سگز دیمش دك و کندیلرینه واسع صلاحیت و یرمش دك .  
 شمندی به قدر نیچون بویله یایدیکز نیچون شو بوله ایتمدیگز  
 دیمه مشدك وکالت بویله قعیید قبول ایتمز . بنده کز جه  
 تعلیمات نامه به لزوم یوقدر . بوندن مقصد منتظماً ایفای  
 وظیفه ایتمک ایسه بو قاعتمک مشترکاً و منتظماً اچیقه میسی  
 ایچون آرقداشلر آراسنده بر تعلیمات نامه به احتیاج و ارسه  
 مجلس عالی دن بونی کچیره دك بر قانون شکنه قویمق دوغری  
 دکدر . چونکه وکالتی قعیید ایدر . بر مأموری توقیف  
 ایتمک ایچون منسوب اولدیغی وکالت به یازیله جقمش وکالت  
 اون کون ظرفنده جواب و یره حکمش حال بوکه افندیلر  
 استقلال محکمه لری دیگر محکمه لری کی دکدر .  
 استقلال محکمه لری مملکته فالتی یابان ، مملکته ارتشا  
 یابان ، رشوت قبول ایدن هر کسی ازمک دیمکدر . بناء  
 علیه اصل وظیفه آنلره مانع اولان وظیفه لر در . مثلاً  
 بر متصرفی سو و استعمالی ایچون در حال توقیف ایتمک هر  
 حالده بر حسن تأثیر حاصل ایده بیلیر ، آنی بر تأثیر یابان  
 هر شیئه حاکم قیلاز ، اونک ایچون قعییدی قبول ایتمک موافق  
 اوله ماز . هیئت علیه نك وجداننه مراجعت ایدیوروم .  
 ( دوغری سسلری )

شرف بك ( ادرنه ) — افندیلر کچنده بوراده قونیه  
 مبعوث محترمی وهی خواجه افندی بو مملکته یاپیله حق  
 اک بیوک اییلک استقلال محکمه لرینک اعاده سیدر دیمش دی .  
 احتمالکه مملکتتمزک استقلال وعداننه تشنه اولدیغی قدر  
 دوغری یلفی بیقسان و یاقان بر چوق مساوی بی دورتمک  
 ایچون و بونک اوکنه کچمک ایچون استقلال محکمه لرینه  
 احتیاجی واردر . بن شمندی صوراجم سزه بیوک ملت  
 مجلسی کندی آرمسندن آبروبده کوندردیگی آدم لرك  
 تأمین ایده جکی عدالتی نه حق و نه صلاحیتله تحدید ایدیوروز  
 ( فضولی صدالری ) شیمدی اگر بورایه تبلیغ ایدیلن  
 تکلیف دوغری دن دوغری به تعلیمات نامه شکننده ایسه  
 مجلس عالی تعلیمات نامه یاماز . معلوم عالی کز که مجلس قانون  
 یابان و او قانونک وجه تطبیقی کو ستر و حتی سوکنده بر

ماده قور بونک اجراسنه فلان فلان وکالت مأمور در .  
 ایکنجیسی ، استقلال محکمه لرینک تشکیکنده مجلس  
 عالی کزک قبول ایتمدیگی بر قانون و اردر او قانونده دییورکه :  
 استقلال حاکم لری قوانین موضوعه دائره سنده اجرای  
 احکام ایتمکله بر بر اعدن الا یجاب آنک خارجنده یعنی وجدانندن  
 قویان بر حکمی و یرمک ایله مکلفدر . شو حالده بو قدر بیوک  
 بر صلاحیتله کوندردیگن حاکم لرك حقنی نه وجهله بر  
 تعلیمات نامه ایله قعیید ایدیور سگز ؟ صکره حق ایله  
 تعلیمات نامه مجلسه تودیع اولونور ؟ مجلس  
 تعلیمات نامه یاماز . بو تنزلدر افندیلر !

افندیلر مجلس قانون یابان ، حال بوکه استقلال قانونی  
 یامش سگز لارینه و یرمش سگز و دیمش سگز که : سزک ایچون  
 مطاع اولان بودر . ای حاکم ای وکیل کیت قسطمونی به کیت  
 فلان یره بنم یرمه توزیع عدالت ایت سنک دنیا ده یالکز ، یالکز  
 مسئول اوله جفک بر شی واردر اوده اللهک اوز وجدان کدر .  
 فوق العاده زمان ایچون فوق العاده تدبیر یاپیور سگز صکره  
 اونک آئنده بر تعلیمات نامه و یربور کز . بو تعلیمات نامه بی  
 و یرمکن مقصد حکومت ذهنیتی در افندیلر . ( آلیشیرلر )  
 باشقه هیچ بر شی دکدر . اوت افندیلر حکومت ذهنیتنه  
 تطبیق حرکت ایتمک ، سن محمدجکی محکوم ایده جکسک  
 فقط بر قائم مقامه الی اوز اتمیه جسک ایسته دیگی قدر پسلک  
 دولی بر آرمه الکی اوز اتمیه جسک . او حالده افندیلر شورای  
 دولت جزاسنی و یرسون ، قطعاً قبول ایتمه یکنز . استقلال کز دن  
 حریت کز دن صلاحیت کز دن قطعاً بر ذره و یرمه یکنز ( آلیشیرلر )  
 ( بر اوو صدالری )

مالیه وکیلی حسن بك — افندیلر یاکلش بر ذهابه  
 میدان قالمه سون . آرقداشلرده بو تکلیفک کویا حکومت  
 ذهنیتله یازلدیغنه دائر و حکومتدن جیقمش در ديه بر ظن  
 و ارسه سزی تأمین ایده رم که کندم خردار اولدیغیم  
 کبی شمدی اتعفا یه حاضرم . حکومتک قطعاً بوله  
 برشیدن خبری یوقدر ( خیر صدالری )

علی سروری افندی ( قره حصار ) — اقدم رفیق  
 شوکت بك بر ادر من . شو او قوان ماده لرك تعلیمات نامه اوله رق  
 تشییق لزومندن بحث ایتمدیلر کندیلری هم مبعوث وهم ده



بر دفعه تخصیصاً قلمی حقیقه مذاکره جریان ایدرک فعالیتلری تأجیل اولونان ثابت استقلال محکمه لری اعضا قلمزنده بولنان رفقای کر ام ظن ایدرم دیوان ریاستک برقراری ایله یومیه و خر جراه نامیه بر طاقم پاره لرا لملشدرده بولازمی در دکامی در بو بر مسئله در دیوان ریاستک بوکا صلاحیتی وار میدر یوقیدر ؟ بونک تقدیری ده هیئت جلیله به عا ندر . بناءً علیه تکرار عرض ایدیورم اگر یومیه و خر جراه ویرلمی لازم کلیورسه بونی بر ماده قانونیه اوله رق یایلم بوتعایاتنامه نك ردی اهم والزمدر . رفیق شوکت بك — رئیس بك اصول مذاکره حقیقه سویلیه جکم مجلسمزك كندی ...

شکری بك (قره حصار صاحب) — رئیس بك دائماً بر آدمی سوز سویلیه جك؟ بزه صره کلمیه جکمی؟ بزده سوز آلق .

رفیق شوکت بك — افندم شمدی به قدر کندیمزه ناند اولان خصوصات هب جلسه خفیه ده اولمشدر . بوده مجلسك وظائف داخلیه سنه عا ندر . بر بریزله دها ائی دها آجیق اوله رق آکلاشمه من ایچون بر جلسه خفیه عقدینی تکلیف ایدیورم . بنده کز بر مبعوث صفتیه عرض ایدیورم . جلسه خفیه ده مذاکره ایدلسون . (اوله ماز صدالری)

محمد شکری بك (قره حصار صاحب) — محترم آرقداشلر بنده کزك استقلال محکمه لرینک مدافعی اولدیغی بیلر سکر . استقلال محکمه لری زمانیه ثابت اولمشدر که مملکته چوق خدمت ایتمشدر . فقط بونکله برابر استقنزل محکمه لری اعضالری بورایه جلب ایتک کیفیتک اسباب وعواملی بزجه تدقیق ایدلمش دکدر . معلوم عالیکنزدر که حکومت کوسترמש اولدینی اسباب موجبده کیریلرده دولت کندی وظایفنی کوره جک قدرت و قوتی حائر اولدیغندن آرتق استقلال محکمه لرینه لزوم قالمه مشدر . بناءً علیه بونلرک تعطیلی لازم اولدیغندن دولانی استقلال محکمه لری اعضالری کری به چاغیرلشدر دینور . فقط افندیلر بو اسباب موجبده یالکنز آقره ده کی استقلال محکمه سی ابقا

عدلیه وکیلی اولق اعتباریه احکام قانونیه به هر کسدن زیاده واقف وهر کسدن زیاده رعایتکار اولملری لازم کلیر بوتعلیاتنامه نك بر ماده سنده دینور که : استقلال محکمه لری اعضالری نه مقتشلمثالو خر جراه و یومیه ویریلیر . عجیباً بالنتیجه بودجه به تعلق ایدن بوکجه پاره مسئله سی بویله بر تعلیاتنامه نك بر ماده سی ایله حل و فصل ایدیله بیلیرمی ؟ (ایدیله من صدالری) ظن ایده م . بوسؤالی کندیلری ده موافق کورورلر .

صکره تعلیاتنامه عنوانیه مجلس عالی دن طبیعی بویله بر قرار چیقاماز . اولسه اولسه نظامنامه اوله بیلیر (اوده اوله ماز صدالری) چونکه معلوم عالیکنز مجلسك نظامنامه داخلینی مجلس یایار اونک ایچون مادامکه استقلال محکمه لری مجلس عالی نی تمیل ایدیور او محکمه لر حقیقه مجلس عالی نظامنامه یاقمده البتده صلاحیتدار و مختار در فقط بنده کز ظن ایدیورم که عرض ایتدیکم او خر جراه و یومیه ماده سندن ماعدا ماده لر ایچون نظامنامه به ، تعلیاتنامه به ، یا خود قانونه هیچ لزوم یوقدر یالکنز خر جراه و یومیه حقیسنده هیئت جلیله نك فکری نه ایسه بر ماده قانونیه اوله رق تمیت ایدلمی لازمدر . بناءً علیه ..

وهی افندی (قونیه) — یومیه ویرلمه سنه مجلس قرار ویردی .

علی سروری افندی (دوامله) — بناءً علیه تعاملاً . نامه نك ردی الزمدر . بوکجه یوقدر یومیه و خر جراه مسئله سنه کلنجه کچن سنه استقلال محکمه لری حقیقه کی قانون مذاکره اولنورکن میدوشدیده جریان ایدن مناقشه لر اثناسنده بو کرسیدز (آرقداشلر استقلال محکمه لرینه کیده جک رفقا آنجق کندی مخصصاتی آله جق و بوندن باشقه هیچ بر پاره وهیج بر تخصیصات آلیه جقدر) دیه سویله من ینه رفیق شوکت بك آرقداشمزدی . اگر بونی او توتمشلر سه ضبطنامه به مراجعت ایتسونلر .

عدلیه وکیلی رفیق شرکت بك (صاروخان) — قطعياً تخصیصات حقیقه بر شی دیدم ، اگر اثبات ایدر سه ک هر شینه راضی م . علی سروری بك — باقارز ضبطنامه به :



ایدلمشدر بونلرك میانده اونك ده رفی لازم كلیدی .  
یعنی یالكز اونك اسباب موجب میانده استئنا ایدلمسی  
دوغر و دكلدر . یالكز بر نومولی استقلال محكمه سندن غیرسی  
جلب ایدلمشدر . اوپله آكلارزكه اسرتقلال محكمه سی  
حقنده طشرده بولنان آرقداشلر من مأمورین و ساره نك  
سوء استعمالی كوردكجه والیرینی ، قلمر ضربه لیرینی  
اونلرك اوزرینه صالحه و اوزرلرینه ایتمك ایسته دكجه  
حكومتك ذهنیتی بونلری بورایه جلب ایتدیرمك سبب  
تشکیل ایتشدیر . افندیلر استقلال محكمه لری علیهنده سوز  
سویلمدیگی وقتده بنده كزدیمشدم كه — استقلال محكمه لیرینك  
انخاذا ایتمش اولدقلری حكملر حقنده سوز سویلمك  
ایچون ایشلرینه یاقیندن واقف اولمق لازم سدر .  
بز ایشیدییورز و خبرلر ده بونی مؤیددر .  
استقلال محكمه لری مملكتده ائی بر تاثیر بر اقمشدر .  
اوپله اولدینی حالدده استقلال محكمه لیرینك علیهنده سوز  
سویلمك دوغری دكلدر . بز استقلال محكمه لیرینك  
حكملرینی بر كره تدقیق ایچون بز انجمنه حواله ایتمك  
لازمدر . هر هانسی بر انجمن طرفدن بونلرك حكملری  
تدقیق ایدیلیر . بر فائق وارسه او آرقداشلره اخطار  
ایده بیلیوز . بونلر یاپیلمادی آرقداشلرك بوراده طلب  
ایتدکاری وجهله ، ونم طلبم اوزرینه او جدوللر بورایه  
كلدیگی حالدده هنوز او قونوب برقرار ویرلمدیگی حالدده ،  
بز دوغریدن دوغری به حكومتك طابنی كوری كورینه  
قبول ایدرك استقلال محكمه لری بورایه كتیردك . بوكون  
اولزوم كندیلكندن تجلی ایتمك صورتیله هیئت وکیله  
طلبیله بز برقرار انخاذا ایتدك و اونلری تكرار كوندیریورز .  
آرقداشلرك وظائف و صلاحیتی تحدید ایدیچی بوپله بر  
نظامنامه و بوپله بر تعلیماتنامه یی ایلری سورمك اونلری  
حكومت ذهنیتیله تقیید ایتمك ، قوتتروال آلتنده بولندیرمق  
ایجابنده اكر سز مأمورلریمزه ایلدشیرسه كز سزی كیری كتیررز  
كی بر تهدید مایهتندن باشقه برشی دكلدر افندیلر بر مملكت داخاندده  
یالكز محمد جكلی آصمق ایچون كوندیرمورزه استقلال  
محكمه لری مملكتده ایش كوره جك ، مملكتده اك بیوك  
فئالق و تخریبات یاپان اك بوكسك آدملردن ایشه باشلایه رق

اونلرك اللیرینی قویاردقندن صكره و اونلر تپه لندیگی كون  
مملكت قورتیله جقدر . بناء علیه بو آرقداشلریمز بورادن  
كیدر كن هیمز تأمین ایتلی بركه هر نزه دن فئالق كورسه  
كورسون و كیمه منسوب اولورسه اولسون اون تپه لیوب  
و اونك حقنده عدالتی انفاذ ایتسون . یوقسه هیچ بر  
وجهله نظامنامه ، تعلیماتنامه یی اباراق ایلرو سورمك  
وازلری تحدید ایتمك طوغری دكلدر بو ؛ اونلری كوله  
موقعه ایتدیرمك دیمكدر . ( حاشا صدالری ) و اونلر كوله  
ماهیتی حائر دكلدر ونه دندر كه — آكلایه میورم بوندن  
اول استقلال محكمه لیرینه اعضا كیدر كن بوپله بر تعلیماتنامه  
یا پلیسی خاطره كلدی و موضوع بحث اولدینی حالدده ، استقلال  
محكمه لری قوریلایدن بری بوپله هیچ برشی ایلرو سور-  
لمدیگی حالدده بوكون استقلال محكمه سنه كیدر كن ایلری  
سوریلور ، بوده بزه رفكر ویره بیلیر . هم مجلسلر تعلیمات یاماز .  
دمین ده عرض ایتدیكم وجهله استقلال محكمه لیرینك حدود  
صلاحیتی كندی قانونلریده وارددر . بناء علیه برده تعلیماتنامه  
تنظیم ایتمك اولماز . ولوكه تعلیماتنامه یی ایه ق بیله قانون هیچ  
بر زمان تقیید ایدیله من . چونكه حاكم قانوندر . هیچ بروقت  
بوپله تعلیماتلرله او تقیید ایدیله من . هم مجلس تعلیماتنامه لر  
یاماز . بناء علیه ردی تكلیف ایدیورم .

رئیس — اقدام سوز آلان ده ادرت آرقداشتمز  
وارددر ( مذاكره کافی سسلری ) مذاكره یی ، کافی كورنلر  
لطفاً اللیرینی قالدیرسون . ( مذاكره کافی كورلیدی ) افندم  
بر كره ماده لره كچلمسینی رایه قویه جقم ( خایر ، رد  
صدالری ) ماده لره كچلمسینی قبول ایدنلر لطفاً اللیرینی  
قالدیرسون ( قبول ایدلمه مشدر ) مدافعه ملیه انجمنی ایچون  
یاسیلان انتخاباتك نتیجه سی عرض ایده جكم انتخاباته اشترك  
ایدن آرقداشلرك عددی ( ۱۹۰ ) بونك  
آلتیسی مستكفدر . اك زیاده رای قازانان  
آرقداشلرك اسملرینی بروجه آتی عرض ایده جكم :  
جاوید بك قارص ۱۵۴ ، عمر لطفی بك قره حصار  
۱۲۴ ، رضا نور بك ، وهی بك قره سی ۷۸ ، حلمی بك  
اردهان ۷۸ ، وهی افندی قونیه ۴۹ ، بونس نادى بك از میر



رئیس - مساعده بیورک افندم قرعه چکیله جک.  
بیورک سری بک قرغه چکک !

سلیمان سری بک ( یوزفاد ) - وهی افندی قونیه.  
( آلفیشلر )

رئیس - افندم وهی افندی به قرعه اصابت ایتمشدر .  
افندم مساعده بیورک دون معلوم عالیکز حکومت طرفندن  
بر جلسه خفیه عقدی قبول ایدلمشدی. اونک ایچون  
سامعین سالونی تخلیه ایتسونلر .

۴۹ ، ایکی کیشی عینی درجه ده رأی المش اونک ایچون قرعه  
چکلمسی لازمدر .

وهی افندی ( قونیه ) - افندم رفقای کرامک توجهنه  
تشکر لرایدرم . فقط دوام ایدمه جکمدن عفومی رجا ایدرم  
( خایر سسلری )

رئیس - افندم مساعده ایدیکیز قرعه چکیله جک وهی  
افدینک شمدی سویلری دوغری دکدر .

صالح افندی ( ارضروم ) - وهی افندی کرسیدن  
استعفا ایتمشدر باشقه بر مسئله قالمشدر .

اوچنجی جلسه حقیدر

